

Bilboko Udala

Kontakizun Laburren IV. Lehiaketa – Zurrumurruen aurka, Sartu aterpean!

Gobernu Batzordeak 2020ko XXX hartutako Erabakiz, Kontakizun laburren IV. Lehiaketa- Zurrumurruen aurka, Sartu aterpean! Oinarri Arautzaileak dituen deialdia onartu da, Diru-laguntzen 38/2003 Lege Orokorraren 23.2 a) artikuluaen bat etorrira.

Izan ere, horrek, berezitasuna dela-eta, oinarri arautzaileak deialdian bertan jasotzea ahalbidetzen du.

KONTAKIZUN LABURREN IV. LEHIAKETA ZURRUMURRUEN AURKA, SARTU ATERPEAN! 2020ko OINARRIAK

Bilboko Udalaren zurrumurruen aurkako estrategiatik, hitzaren eraldaketa-ahalmenaren aldeko apustua egiten jarraitzen dugu. Horrexegatik, "Zurrumurruen aurka, sartu aterpean!" kontakizun laburren txapelketaren hirugarren edizioa martxan jarriko dugu.

Bidaariak gara, istorio zoragarriak partekatzeko esperoan. Berdin da nondik zatozen eta nora iritsi nahi duzun: istorio bat kontatzera animatzen zaitugu, elkarbizitza aniztasunean sustatzen duena, etorkinei buruzko uste negatiboak aldatzen laguntzen duena, eta begirada berri bat eskaintzen duena.

Migratzaileen irudipen berriak sortzera animatzen zaitugu; ausartu topikoak antzematen modu sortzailean lantzeko berriro, iraultzeko, buelta emateko galtzerdiak balira bezala, zure irudimena izan dadila plaza berriari argia egingo dionugarra. Jabetu dakizunaz eta azaldu zer egin dezakezun zeure kontakizunekin, narratiba berriak sor ditzakezulako imajinario pertsonalean eta kolektiboan.

Kontatu, kontatu dibertsitatea, ezberdintasunaren ekarpena, esperientziak eta bizikidetzaren partekatzearen aberastasuna. Idatzi eta eraldatu zeure hiria.

Bilbo, kulturarteko hiria: atzerriarren aurkako aurreiritzirik, zurrumurrurik eta estereotiporik gabekoa.

Bilboko Udaleko Lankidetzak, Bizikidetzak eta Jaietako Sailak, [Herriarren eta Aniztasunaren II. Udal Planaren](#) barruan, Zurrumurruen aurkako kontakizun laburren IV. lehiaketa antolatu du, oinarri hauen arabera:

LEHIAKETAREN OINARRIAK

1. LEHIAKETAREN HELBURUA

Zurrumurruen aurkako kontakizun laburren IV. lehiaketa Bilboko Udalaren [Zurrumurruen aurkako Proiektuaren](#) barruko ekintza da.

Zurrumurruen kontrako estrategia aldaketa soziala eragin nahi duen epe luzeko prozesua da eta bereizkeria prebenitu, bizikidetzak hobetu eta dibertsitatearen indarra baliatu nahi ditu herritar guztien eta helburuko talde espezifikoaren arteko hautemateetan, jarreretan eta jokabideetan aldaketak eragiteko.

Aurkeztu diren kontakizunetan proiektuaren gaiei helduko diete, proiektu horren zenbait eduki eta balio sartuta.

2. PARTE HARTZAILEAK

Nahi duten pertsona fisiko guztiek, 18 urtetik gorakoek, har dezakete parte, euren nazionalitatea edo bizilekua zein-nahi izanda ere.

3. GAIA

Zurrumurruen aurkako edukiak eta balioak izango dira lehiaketaren gaiak: bizikidetzak, kulturartekotasuna, dibertsitatea, arrazakeriaren aurkako borroka, estereotipoak, aurreiritziak, zurrumurruak, nortasuna, errespetua, elkarriketa, dibertsitatearen abantailak eta bere ekarpenak.

4. EUSKARAZ ETA GAZTELANIAZ

Hizkuntza modalitate bi daude: euskarazkoa eta gaztelaniazkoa. Ez da onartuko obra bere bi hizkuntzetan.

5. KONTAKIZUNEN EZAUGARRIAK

Lanak gehienez 4 orriko luzera izango dute eta Arial 12 edo antzeko letra-motan, tarte bikoitzarekin eta alde batetik idatziak izango dira. Originalak, argitaratu gabeak eta lehenago beste lehiaketa batzuetan sarituak izan ez diren kontakizunak izango dira.

6. AURKEZTEKO ETA BIDALTZEKO ERA

Kontakizunak era elektronikoan aurkeztuko dira, sarean egokitutako plataformaren bidez. Helbidea:

http://www.bilbao.eus/concurso_antirumor

Lanak helbide elektroniko horren bidez aurkezteko epea 2020ko irailaren 1ean hasi eta 2020ko irailaren 30ean amaituko da.

7. EPAIMAHAIA

Lankidetza, Bizikidetza eta jaietako Sailak izendatutako hiru kidek osatuko dute epaimahaia. Epaimahaiari laguntza teknikoa emateko eta idazkaritzako eginkizunak betetzeko lanak Bilboko Udaleko Berdintasun, Lankidetza, Bizikidetza eta Jaietako Sailak teknikari batek egingo dituzte.

Bilboko Udaleko Lankidetza, Bizikidetza eta Jaietako Sailak oinarri hauek interpretatu ahal izango ditu beharrezkoa bada, jarduteko arauak finkatu eta sariak emateko edota, behar denean, eman gabe uzteko ahalmen osoa izango du.

Emakumeen eta gizonen berdintasun eraginkorrari buruzko martxoaren 22ko 3/2007 Lege Organikoaren 53. artikuluan oinarrituta, eta , Bilboko Udalaren Andrazkoen eta Gizonezkoen Arteko Aukera Berdintasunerako IV. Planaren jarduera-printzipioekin bat etorrita, epaimahaiaren osaerak emakumeen eta gizonen presentzia orekatuaren printzipioari erantzungo dio.

8. BALORAZIO IRIZPIDEAK

Lehiaketara aurkeztutako kontakizunen balorazioa egiteko, irizpide hauek hartuko dira kontuan:

- Kontakizuna bat etortzea lehiaketaren gaiarekin: bizikidetza, kulturartekotasuna, dibertsitatea, arrazakeriaren aurkako borroka, estereotipoak, aurreiritziak, nortasuna, errespetua, elkarrizketa, dibertsitatearen abantailak.
- Literaturaren arloko irizpideak: originaltasuna, prosaren kalitatea, argumentuaren bilakaera, erritmoa, gaiaren tratamendua etab.

9. EPAIA

Epaimahaiak, epaia eman ondoren, saria emateko proposamena aurkeztuko dio Gobernu Batzordeari. Epaia irabazleei jakinaraziko zaie. Epaimahaiaren epaia apelaezina izango da eta epaimahaikideen gehiengo soilaren bidez hartua. Lehiaketa honetan parte hartzeak berarekin dakar oinarri guztiak onartzea.

Epaimahaiaren epaia irabazleei jakinaraziko zaie 2020. urtea amaitu baino lehen.

10. MODALITATEAK ETA SARIAK

Euskarazko kontakizunak:

1. saria: 350 euro, garaikurra, kontakizuna argitaratzea lehiaketaren edizio batean eta argitalpen horren 2 ale.

2. saria: 150 euro, garaikurra, kontakizuna argitaratzea lehiaketaren edizio batean eta argitalpen horren 2 ale.

Gaztelaniazko kontakizunak:

1. saria: 350 euro, garaikurra, kontakizuna argitaratzea lehiaketaren edizio batean eta argitalpen horren 2 ale.

2. saria: 150 euro, garaikurra, kontakizuna argitaratzea lehiaketaren edizio batean eta argitalpen horren 2 ale.

Garaikurra Iñaki Arce artistaren, izen bereko marrazketa eta pintura akademiako sortzailea eta irakaslea denaren, (esku-)lana da.

Finalistak: Zurrumurruen aurka, sartu aterpean! Kontakizun laburren IV. Lehiaketan finalista geratu diren obren sorta bat aukeratu eta argitaratuko da.

11. ARGITARATZEA

Saritutako lanak Bilboko Udalaren jabetzakoak izango dira eta bere gain hartuko du obra horiek erakusteko, kopiatzeko edo argitaratzeko eskubidea. Horrek ez du egile-eskubiderik sortzen, ezta eskatzekorik ere. Lanok Udalaren kultur ondarea gehitzeko direnez, ezingo dira ez saldu, ez erosi.

Saritutako eta aukeratutako kontakizunak “Zurrumurruen aurkako Kontakizunen IV. Lehiaketa. Sartu aterpean!” izeneko liburuan argitaratuko dira. Liburu hori eskuragarri egongo da sariak banatzeko ekitaldian.

12. AZKEN XEDAPENA

Oinarri hauetan aurreikusita ez dagoen zerbait gertatuz gero, ordezkotzaeraz, Udalaren eta zuzenbide publikoko bere erakundeen eta entitateen deialdiaren bidez diru-laguntzak emateko oinarriak arautzen dituen Ordenantza Orokorra aplikatuko da. Bilboko Udalbatzarrak 2016ko ekainaren 30ean onartu zuen eta 2016ko uztailaren 20ko 138 zenbakiko BAO on argitaratu zuten ordenantza orokor hori.

Bilbon, 2020ko maiatzaren 14an.